

Co cumpensar las sperditas fiscalas

La regenza prenda posisziun tar l'incumbensa da deputà Erich Kohler (pcd Plaun)

DA MARTIN CABALZAR / FMR

■ **Ils chantuns èn obligads da cumpensar adequatamain las vischnancas per las perditas che sa resultan da la revisiun da la lescha da taglia federala pertutgant il gudogn da las interpresas. Disputaivla è la dumonda co che questa cumpensaziun duai succeder.**

Suenter avair tshertgà intensivamain in model adattà ha la regenza giuttamess al cussegl grond la proposta da realisar l'indemnisaziun pretendida sur la gulivaziun da finanzas intercomunala. Concretamain vegnan ils meds finanzials augmentads per radund set milliuns a partir da l'onn 2021. Questa proposta saja bain vegnida discutada a moda contraversa en il ravugl dal cussegl grond, saja dentant restada senza cunterproposta e la finala era vegnida sancziunada cleramain. Tenor la missiva è la regenza stada da l'avis che «la cumpensaziun sur la gulivaziun da finanza porta il resultat giavischè, sch'ins resguarda tut las vischnancas».

Indemnisaziun sin fundament dal minus effectiv

Cun questa soluziun na paran divers deputads, cunzunt da la Val Renana, betg d'esser cuntents. En in'incumbensa parlamentara ha il parsura communal da Domat e deputà *Erich Kohler* (pcd) – sustegnì da 27 deputadas e deputads – pretendì in'indemnisaziun sin basa dal minus effectiv da las entradas fiscalas communalas pervia da la reducziun da la taglia sin gudogn da las interpresas.


Il project federal pretendia numnadamain che las indemnisaziuns stoppian avair in connex direct cun il minus effectiv da las entradas fiscalas. Tenor ils incumbensaders duai questa indemnisaziun vegnir calculada mintg'onn da nov sin basa dal minus effectiv da las entradas fiscalas pervia da la reducziun da la taglia sin gudogn da las interpresas da 5,5 sin 4,5 perschient.

Il medem duai era valair per la mesadad da la summa ch'il chantun retschaiava sin fundament da la taglia federala directa. Sch'ina midada da la lescha davart la gulivaziun da finanzas saja necessaria tenor avis da la regenza stoppia alura era vegnir proponì in model da durada limitada che remplazzia la cumpensaziun previda sur la cumpensaziun da resursas tar la gulivaziun da finanzas.

Contemplaziun statica che survesa l'intent da la reducziun da taglia

L'incumbensa Kohler pretendia pia in'indemnisaziun sin basa dal minus effectiv tar las entradas pervia da la reducziun da taglia sin gudogn da las interpresas. Tenor la regenza sa basia quest'argumentaziun purmain sin ina contemplaziun statica che survesa l'intent da questa reducziun. La finamira saja numnadamain stada quella da mantegnair interpresas existentas, da pussibilitar a questas interpresas ulteriuras investiziuns e la finala er attrair novas interpresas.

In engrondiment considerabel d'in'interpresa existenta u la domiciliaziun d'ina nov'interpresa cun gudogns relevants avess uss per conse-



Vischnancas cun blier'industria e societads da holding han en l'avegnir considerablas sperditas fiscalas.

MAD

quenza in minus d'entradas betg avant maun che stuessan vegnir resguardadas er sin quests gudogns supplementars. Concretamain chaschunassia ina surbajegiada totala dal parc industrial «Vial» a Domat in spustament marcant vers Domat dals meds totals ch'èn da distribuir or da la taglia federala directa.

Il medem valia era per societads da domicil, da holding e societads maschadadas existentas che perdessan uschia lur status fiscal privilegià. In tal spustament na saja ni materialmain correct ni vulì dal legislatur federal,

punctuescha la regenza grischuna en ina comunicaziun.

Controlla da l'efficacità

La furma actuala da la gulivaziun da finanzas en vigur dapi 2016 vegn suttamesa actualmain ad ina controlla d'efficacità. Tenor la regenza pudessan adattaziuns che fissan eventualmain necessarias per resguardar a moda specifica las resursas vegnir realisadas en quest rom. La regenza vul dentant impedir da stgaffir in ulteriur sistem da gulivaziun cumplitgà che chaschunass in augment da la biro-

crazia. La tractaziun da questa fatschenta è previda per la sessiun d'october. L'incumbensa Kohler propona sco pretesisiun eventuala in model a temp limità per alura midar a la cumpensaziun sur la gulivaziun da finanzas. La regenza renda plinavant attent che per questa midada stuess pir vegnida stgaffida ina basa legala per la regulaziun da la cumpensaziun pretendida. Damai che quella na fiss betg pronta per l'entschatta da 2021 nasaja ina regulaziun transitoria gia per motivs da temp betg pussaivla.

Perquai recumonda la regenza da refusar l'incumbensa.